


ՆԱԽԱԳԱՅ ԱՍԱՏ ԹԵՂԵՐԱՆ ԱՅՅԵԼԵՑՆՈՒ ՀԱՆՊԻՊՈՒՄ ՈՒՆԵՅՈՒՄ ՍԵՅԻՏ ԽԱՄԻՆԱԿԻ ԵՒ ԻՐԱՆԻ ՆԱԽԱԳԱՅԻՆ ՀԵՏ

Կիրակի, 8 Մայիս 2022-ին, Սուրիոյ Նախագահութեան պաշտօնական կայքը հաղորդեց, որ Սուրիոյ Նախագահ Պաշար ալ-Ասատ մեկնեցաւ Թեհրան, ուր գոյգ հանդիպումներ ունեցաւ Իրանի Իսլամական Յեղափոխութեան ղեկավար Այաթոլլահ Սեյիտ Ալի Խամենայիի եւ Իրանի Նախագահ Իպրահիմ Ռայիսիի հետ:



Հանդիպումներուն ընթացքին, կողմերը գրուցեցին Սուրիոյ եւ Իրանի պատմական յարաբերութիւններուն եւ երկարատեւ գործակցութեան, տարածաշրջանային եւ միջազգային այլազան հարցերու շուրջ:

Սեյիտ Խամենայիի հետ հանդիպումին ընթացքին Նախագահ Ասատ շեշտեց, որ Սուրիոյ եւ Իրանի որդեգրած քաղաքականութիւնը անգամ մը եւս փաստեց իր արդիւնաւետութիւնը, յատկապէս ահաբեկչութեան դէմ պայքարի ոլորտին մէջ:

Իր կարգին Սեյիտ Խամենայի շեշտեց, որ Իրան պիտի շարունակէ Սուրիոյ աջակցիլ մինչեւ սուրիական հողերուն ամբողջական ազատագրումն ու ահաբեկչութեան վանումը՝ շնորհիւ Սուրիոյ ղեկավարութեան, բանակին եւ ժողովուրդին: Ապա ասելով. «Կասկած չունիմք, որ պիտի յաջողիք սուրիական մնացեալ բռնագրաւուած հողերը ազատագրել: Սուրիոյ եւ Իրանի գործակցութիւնը պէտք է շարունակուի, որովհետեւ ան դրական ազդեցութիւն ունի ոչ միայն երկու երկիրներուն, այլեւ տարածաշրջանի բոլոր երկիրներուն վրայ»:

Իր կարգին Իրանի Նախագահ Իպրահիմ Ռայիսի շեշտեց, որ Իրան կը ձգտի Սուրիոյ հետ յարաբերութիւնը զարգացնելու, յատկապէս տնտեսական եւ ամբաստանական ոլորտներուն մէջ, ինչ որ մասամբ պիտի մեղմացնէ Սուրիոյ ժողովուրդին ծանր վիճակը, երկրին մէջ տիրող տնտեսական դժուար պայմաններուն լոյսին տակ:

Իր կարգին, Նախագահ Ասատ Իրանը բնութագրեց որպէս Սուրիոյ եղբայր եւ հաւատարիմ բարեկամ:

Ան շեշտեց, որ Իրանի որդեգրած քաղաքականութիւնը եւ միջազգային հարցերու հետ վերաբերմունքը ոչ միայն դրական ազդեցութիւն կ'ունենան Իրանի եւ Սուրիոյ, այլեւ տարածաշրջանի բոլոր երկիրներուն վրայ:

ԴԵՍՊԱՆ ԴՈԿՏ. ՆՈՐԱ ԱՐԻՍԵԱՆ ՆԱԽԱԳԱՅ ԱՍԱՏԻՆ ԴԻՄԱՅ ԻՐ ԵՐՊՈՒՄԸ ՏՈՒՄ

Երեքշաբթի, 10 Մայիս 2022-ին, ՍԱՆԱ հաղորդեց, որ Հայաստանի մէջ Սուրիոյ Հանրապետութեան նորանշանակ դեսպան դուկտ. Նորա Մարտիրոս Արիսեան երդում տուաւ Սուրիոյ Նախագահ Պաշար ալ-Ասատին դիմաց:



Արիսեանի կողքին, երդման արարողութիւն կատարեցին Սուրիոյ պաշտպանութեան նորանշանակ Նախարար գնդապետ Ալի Մահմուտ Ապպաս եւ Զինաստանի մէջ Սուրիական Արաբական Հանրապետութեան նորանշանակ դեսպան Սուհամմետ Հասանէն Խալիլ Խատտամ:

Յետ երդման արարողութեան, Նախագահ Ասատ ընդունեց նորանշանակ Նախարարն ու երկու դեսպանները, շնորհաւորեց գիրենք իրենց ստանձնած նոր պաշտօններուն առիթով եւ գրուցեց յառաջիկայ աշխատանքներուն շուրջ:

Երդման արարողութեան ներկայ էին Սուրիոյ արտաքին գործոց Նախարար դուկտ. Ֆայսալ ալ-Մըքտատ եւ Սուրիոյ Նախագահական պալատի Նախարար Մանսուր Ազգամ:

ՅԱԿՈԲ ՏԵՐ ԽԱՉԱՏՈՒԲԵԱՆ «ՍՓԻՒՔԸ ԼԱԲԱՊՅՆ ԳՐԱԿԱՆՆԵ Ե ՀՅՕՐ ՀԱՅՐԵՆԻՔԻ»

9 Մայիսի 2022-ին, ՀՀԴ Բիւրոյի անդամները այցելած են Եռաբլուր եւ յարգանքի տուրք մատուցած են Շուշիի ազատագրման պայքարին գոհուած հերոսներու յիշատակին:

«Փառք ու պատիւ գոհուած տղոց: Այս Եռաբլուր մեզի համար կը խորհրդանշէ այն վճռականութիւնը, որ ունի հայ ժողովուրդը աշխարհով մէկ՝ պաշտպանելու իր իրաւունքը:

Եւ այսօր այդ իրաւունքի առաջին գիծին վրայ է Արցախը: Դժուար է

ըսել, թէ երբ եւ ինչպէ՛ս, բայց մէկ բան կը վստահեցնեն՝ ձեզի, որ այս օրը մեր վճռականութեան վերականգնումիօրն է, եւ մենք որպէս Հայ Յեղափոխական Դաշնակցութիւն պատրաստ ենք աշխարհով մէկ աշխատելու, որպէսզի Արցախը գտնէ իր Նախկին աշխուժութիւնը, Արցախը մնայ հայկական եւ երբեք Ատրպէյճանի կազմին մէջ չըլլայ», լրագրողներուն հետ ունեցած գրոյցին ընթացքին ըսած է ՀՀԴ Բիւրոյի ներկայացուցիչ Յակոբ Տեր Խաչատուրեան:



ԴՈԿՏ. ՆՈՐԱ ԱՐԻՍԵԱՆ՝ Հայաստանի մէջ Սուրիոյ Արեսպարգ Եւ ԼԵՅՅՕՐ ԴԵՍՊԱՆ

Սուրիոյ Նախագահին հրամանագիրով, դուկտ. Նորա Արիսեան նշանակուած է Հայաստանի Հանրապետութեան մէջ Սուրիական Արաբական Հանրապետութեան արտակարգ եւ լիազօր դեսպան:

ՀԱՄԱԶԱՅԻՆԻ «ՇՈՒՇԻ» ԵՒ «ՍԱՐՈՂԱՐԱԿԱՏ» ՊԱՐԱԽՈՒՄԵՐՈՒ ՏՈՒԵԱՆ ԵՒՈՅԹԸ ԻՐԱԿԱՆԱՅՈՒ ՏԵՂԱԿԱՆ ՈՐԺԵՐՈՎ

Հովանաւորութեամբ Բերիոյ Հայոց Թեմի Առաջնորդ Գերշ. Տ. Մասիս Ս. Եպս. Զօպուեանի, կազմակերպութեամբ Համագայինի «Ն. Աղբալեան» Մասնաճիւղի Վարչութեան պարարուեստի Յանձնախումբին, Շաբաթ 7



Եւ Կիրակի 8 Մայիս 2022-ին, «Շուշի» եւ «Սարղարապատ» պարախումբերը բեմ բարձրացան իրենց տարեկան ելոյթը հրամցնելու հալէպահայութեան:

Ամէլա Զաղլասեան
 Շաբ.՝ 12

Խմբագրական

ԱԶԱՏԱԳՐՈՒԹՅՈՒ ՎԵՐԱԽԼՈՒԹՅՈՒ ԲԵՐԴԱՔԱՂԱՔԸ

30 տարի առաջ Շուշիի ազատագրումը մեծ ոգեւորութիւն ստեղծեց, արցախեան գոյամարտը պսակելով բերդաքաղաքի ազատագրումով ու Արցախի, յատկապէս Ստեփանակերտի ապահովութիւնը ամրագրելով:

Շուշին եզակի է ոչ թէ միայն իր դիրքով, այլև հայկականութեամբ: Մինչեւ 1923 ան եղած է Արցախի քաղաքական-մշակութային կեդրոնը՝ իր գրադարաններով, թատերական եւ գրական կեանքով, դպրոցներով, տպարաններով, լրատուամիջոցներով: 1874-էն մինչեւ 1920 Շուշիի մէջ լոյս տեսած են անելի քան երկու տասնեակ հայկական լրատուամիջոցներ:

Այս բոլորին կողքին Շուշիի հայկական դիմագիծը կ'ընդգծեն Ղազանչեցոց եկեղեցին, յուշարձաններն ու խաչքարերը, արհեստներն ու արուեստները, որոնք ազգի մը պատմութեան, կեանքին ու ստեղծարար ոգիին մասին կը խօսին:

Շուշին մշտապէս եղած է կռուախնձոր իր աշխարհագրական դիրքին բերումով, յատկապէս Ատրպեյճանը Նախիջեւանին կապող օդակ հանդիսանալու կարելիութեան, միեւնոյն ատեն իր բարձր դիրքին համար անառիկ բերդ համարուելով:

Շուշիի կորուստը մեզ մտածել կու տայ դրացի յարձակողապաշտ երկիրներուն դէմ պաշտպանողական մեր համակարգի զօրացման, համահայկական գործօնին աշխուժացման ու հայկական դիւանագիտութեան ու բանակցային հնարամտութեան զարգացման մասին: Այս պարտութիւնը մեզ ինքնաբերաբար պէտք է մղէ Շուշիի ու ողջ Արցախի Յանրապետութեան բնակչութեան ինքնորոշման ոտնահարուած իրաւունքի վերականգնումին լծակները ձեռք ձգելու ու հայկական բերդաքաղաքը ազատագրելու յարձակողապաշտ երկիրներու մագիլներէն, որպէսզի անոր ջլաջորդեն այլ կորուստներ:

Դարերու ընթացքին Շուշին խլուած ու կրկին ազատագրուած է, այս անգամ, սակայն, կորուստը անելի մեծ էր, որովհետեւ անոր շուրջբոլորը հանրապետութիւն մը կայացած էր ու կը գործէր 30 տարի շարունակ: Արցախի Յանրապետութիւնն էր, որ միջազգային օրէնքին մէջ տեղ գտած ազգերու ինքնորոշման իրաւունքով կերտուած ու ծաղկիլ սկսած էր:

Տաօք 30 տարիները բաւարար չեն եղած Շուշին ու ողջ Արցախը այնքան ամրացնելու, որ կրկին դրացիներու ախորժակներուն զոհը չդառնային անոնք: Պարտութիւնը կը խօսի նաեւ արձանագրուած սխալներու մասին, որոնց սրբագրման յանդուգն մօտեցումը պիտի ըլլայ Շուշիի փրկութեան մեկնարկը:


44-օրեայ պատերազմին կորուստը կտրելու չէ Արցախին տիրութիւն ընելու յանձնառութիւնն ու թափը, այլ վերածուելու է ուժի, անաղմուկ զարգանալու եւ դիւանագիտական առիթները օգտագործելով կրկին ոտքի կանգնելու:

Պարտութիւնը նոր սկիզբի մը կրնայ առաջնորդել մեր ազգն ու հայրենիքը, եթէ ունենանք համբերութիւն, թերութիւնները սրբագրելու յանդգնութիւն ու տարբեր ոլորտներու մէջ մասնագիտացած մարդուժ, որ վեր է քաղաքական նեղ շահերէ ու կը հետապնդէ համազգային մեր կարելիութիւններու մեկտեղումն ու նպատակաւորուած օգտագործումը:

Արցախի հարցը արդար լուծման առաջնորդելու քաղաքական կամքը պէտք է խամրի:

«Գ.»

-Երկուշաբթի, 9 Մայիս 2022-ին, Սուրիոյ Նախագահութեան պաշտօնական կայքէջը հաղորդեց, որ Սուրիոյ Նախագահ Պաշշարալ-Ասատ Միջազգային Կարմիր Խաչ Կազմակերպութեան յանձնախումբի Նախագահ Փիթր Մաուրըրի հետ խորհրդակցեցաւ Սուրիոյ մէջ յանձնախումբին գործընթացին եւ սուրիական կառավարութեան հետ գործակցութեան ու տրամադրած մարդասիրական օժանդակութիւններուն շուրջ:



Նախագահ Ասատ դիտել տուաւ, որ առաջնահերթութիւնը պէտք է նկատուին սուրիացիներուն իրավիճակի բարելաւումը եւ անոնց ապրուստի անելի լաւ պայմաններու տրամադրումը:

Մաուրըրը յայտնեց, որ սուրիական կառավարութիւնը ամէն դիւրութիւն կ'ընծայէ յանձնախումբին գործընթացը հեզասահ դարձնելու համար:

-Մոսկուայի մէջ Սուրիոյ դեսպան Ռիատ Յատտատ յայտնեց, որ իր երկրին իշխանութիւնները վիճելի հարցերու լուծման համար թրջական իշխանութիւններուն հետ երկխօսութեան սկսելու հեռանկարներ չի տեսներ:



«Անգարան կանոնաւոր կերպով Յասիչէ Նահանգի միլիոնաւոր բնակիչները կը զրկէ ըմպելի ջուրէ, չէ յարգած Ասթանայի հովովոյթին իբրեւ երաշխաւոր երկիր իր յանձնառութիւնները, որոնց համաձայն՝ պէտք է յարգէ Սուրիան, անոր գերիշխանութիւնն ու տարածքային ամբողջականութիւնը, եւ կը շարունակէ աջակցիլ ահաբեկչական խմբաւորումներուն ու կը խոչընդոտէ երկրին մէջ տազնապի խաղաղ լուծումը: Մեզի համար կառավարական մակարդակի վրայ թուրք-սուրիական որեւէ երկխօսութիւն տեղի պիտի չունենայ, մինչեւ որ Թուրքիան չիրաժարի իր բարբարոս քաղաքականութենէն», ըսաւ Սուրիոյ դեսպանը:

Ան շեշտեց, որ Սուրիան միշտ պատրաստ է երկխօսութիւն կատարելու դրացի երկիրներուն հետ, որոնք կ'աջակցին Սուրիոյ միութեան, հողային ամբողջականութեան եւ գերիշխանութեան:

-Սուրիոյ Լրագրողներու Միութիւնը դատապարտեց իսրայելեան ուժերուն կողմէ պաղեստինեան լրագրող Շիրին Ապու Աքլէի սպանութեան յանցագործութիւնը՝ կոչ ուղղելով միջազգային հանրութեան անհրաժեշտ միջոցներու ձեռնարկելու այս յանցագործութեան հեղինակները պատասխանատուութեան ելթարկելու համար:



Միութիւնը յայտնած է, սպանութիւնը եղած է դիտումաւոր, որովհետեւ փամփուշտը ուղղուած է Ապու Աքլէի գլխուն:

-Մատրիտի մէջ Սուրիոյ պատուիրակութեան ղեկավար, դեսպան Սամիր ալ-Քուսէյր Երեքշաբթի, 10 Մայիսին ՄԱԿ-ի «Ահաբեկչութենէ Չերծ Ապագայ» խորագրով համաժողովին յայտնեց, որ համաշխարհային ահաբեկչութեան երեւոյթին դէմ դնելը կը պահանջէ միջազգային լուրջ համագործակցութիւն եւ բոլոր համապատասխան միջազգային, յատկապէս ՄԱԿ-ի, այս նպատակին ուղղուած բանաձեւերու կիրարկում: Ան շեշտեց նաեւ երկիրներու ինքնիշխանութիւնը եւ տարածքային ամբողջականութիւնը յարգելու անհրաժեշտութիւնը:



ՆԱՆԴՊՈՒՄ ՆՏ ՍՓԻՌՔԻ ԳՈՐԾԵՐՈՒ ԳԼԽԱՎՈՐ ՅԱՆՁՆԱԿԱՏԱՐԻՆ ՆԵՏ՝ ՇԱՐՔ ՄԸ ՄԻՈՒԹԻՒՆՆԵՐՈՒ ԵՒ ՆԱՍԱՏՈՒԹԻՒՆՆԵՐՈՒ ՆԵՐԿԱՅԱՑՈՒՑԻՉՆԵՐՈՒ ԲԱՅԱԿԱՑՈՒԹԵԱՆ

Շաբաթ, 8 Մայիսի յետմիջօրեին, ՀՀ Հալեպի հիւպատոսարանէն ներս Սփիւռքի գործերու գլխաւոր յանձնակատար Չարէս Սիւնեանի հետ հանդիպման իրաւիւրած էին Հայ համայնքապետները, հալեպահայ միութիւններու եւ կազմակերպութիւններու ներկայացուցիչներ, ինչպէս նաեւ Քեսապի քաղաքապետ Վազգէն Չափարեանն



ու Հայաստան-Սուրիա խորհրդարանական բարեկամութեան յանձնաժողովի նախագահ Լիւսի Իսկէնեանը:

Հանդիպումին, որպէս մերժումի եւ բողոքի արտայայտութիւն, չներկայացան բարեսիրական, մշակութային եւ մարզական շարք մը միութիւններու, կրթական հաստատութիւններու ներկայացուցիչներ:



Սփիւռքի գործերու գլխաւոր յանձնակատար Չարէս Սիւնեան գեկուցեց գրասենեակի կարգ մը աշխատանքներուն մասին:

Այնուհետեւ ներկաներէն ոմանք հարցումներ ուղղեցին յանձնակատարին՝ Սփիւռքի գործերու գրասենեակի աշխատանքային եղանակին, Հայաստան-Թուրքիա յարաբերութիւններու հեռանկարին, Հայոց Տեղասպանութեան ճանաչման, արցախեան հարցին առնչուող Հայաստանի պաշտօնական մօտեցումներուն մասին:

Հայ Երիտասարդական Միութեան ներկայացուցիչ Յարութ Եօրտէքեան լուսաբանութիւն խընդրեց Հայաստանի պատկերասփիւռի կայաններէն մէկուն հետ հարցազրոյցի մը ընթացքին եւ հետագային այլ առիթներով Սիւնեանի Սփիւռքի անաւտան կառոյցներուն դերակատարութեան անտեսման, անոնց վերակազմակերպման պիտակին տակ կազմաքանդման միտող արտայայտութիւններուն մասին:

Երեսփոխան Լիւսի Իսկէնեան լուսաբանութիւն խնդրեց հայ ժողովուրդի թեր ու դժմ կարծիքներուն լոյսին տակ իշխանութիւններուն Հայաստան-Թուրքիա յարաբերութիւններու վերսկսման հեռանկարներուն շուրջ:


Հալեպի Նահանգային Խորհուրդի անդամ Մարիա Գաբրիելեան լուսաբանութիւն խնդրեց Սփիւռքի Նախարարութեան լուծարման, ինչպէս նաեւ Արցախի հարցին, անոր հայկականութեան

ԲԵՐԻՈՅ ՆԱՅՈՅ ԹԵՄԻ ԱՌԱՋՆՈՐԴ ՄԱՍԻՍ ԵՊՍ. ԶՕՊՈՒԵԱՆ ԸՆԴՈՒՄՆԵՑ ՆՏ ՍՓԻՌՔԻ ԳՈՐԾԵՐՈՒ ԳԼԽԱՎՈՐ ՅԱՆՁՆԱԿԱՏԱՐ ԶԱՐԵՏ ՄԻՆԱՆԵԱՆՆ ՈՒ ԱՆՈՐ ԸՆԿԵՐԱԿՑՈՂ ՊԱՏՈՒԻՐԱԿՈՒԹԻՒՆԸ

Սուրիա այցելութեան շրջագիծին մէջ, ՀՀ Սփիւռքի գործերու գլխաւոր յանձնակատար Չարէս Սիւնեան, ինչպէս նաեւ ՀՀ Սուրիոյ դեսպան Տիգրան Գեորգեան եւ ՀՀ Հալեպի Հիւպատոս Բաբգէն Պատալեան, Շաբաթ, 7 Մայիս 2022-ի առաւօտեան այցելեցին Բերիոյ Հայոց Թեմի Ազգ. Առաջնորդարան:

Սփիւռքի գործերու յանձնակատարն ու պատուիրակութիւնը ընդունուեցան Բերիոյ Հայոց Թեմի Առաջնորդ Գերշ. Տէր Մասիս Սրբ. Եպս. Զօպուեանի, Ազգային Վարչութեան ատենապետ մեթր Սունայուլ Սունայուեանի եւ ներկայացուցիչներու կողմէն:

Հանդիպման ընթացքին, Սրբազան Հայրը ներկայացուց Բերիոյ Հայոց Թեմն ու շրջանները, անոնց պատմութիւնն ու գործունէութիւնը, ինչ-



պէս նաեւ պատերազմի տարիներուն թեմին դիմագրաւած դժուարութիւններն ու վերականգնումի աշխատանքները, ապա իր եւ համայնքի գաւակներուն մտահոգութիւնը յայտնեց Արցախի հարցին, Հայաստանի դիմագրաւած մարտահրաւերներուն եւ ներքին իրադարձութիւններուն գծով:

Մեթր Սունայուլ Սունայուեան շեշտեց Սփիւռքի կառոյցներուն հետ գործակցութեան կարեւորութիւնը:

Այնուհետեւ Սփիւռքի գործերու գլխաւոր յանձնակատարը ներկայացուց գրասենեակի գործունէութիւնը եւ իրականացուող կարգ մը ծրագրերը, իսկ ՀՀ Սուրիոյ դեսպան Տիգրան Գեորգեան յայտնեց, որ պատերազմի տարիներուն Հայաստան գօրավիզ էր եւ պիտի շարունակէ գօրավիզ կանգնիլ սուրիահայութեան, ապա անդրադարձաւ սուրիահայութեան ազգային-մշակութային աշխոյժ կեանքին:

Աւարտին, անոնք այցելեցին Սրբոց Զառաւնից Մանկանց Մայր եկեղեցի, ուր ծանօթացան աւելի քան 600 տարուան կեանք ունեցող եկեղեցւոյ պատմութեան եւ յետ-պատերազմեան շրջանի Նորոգութեան աշխատանքներուն:

հաստատման գծով Սիւնեանի մօտեցումներուն մասին, իսկ բացակայ միութիւններուն կողմէ Սեւան Շահապագեան բողոքի նամակ մը յանձնեց ՀՀ Սուրիոյ դեսպան Տիգրան Գեորգեանին՝ ՀՀ Սփիւռքի գլխաւոր յանձնակատարի գրասենեակին Սփիւռքի հետ յարաբերութեան եղանակին գծով:

Չարէս Սիւնեան պատասխանեց ուղղուած հարցումներուն եւ պարզեց գրասենեակի կազմութեան ի վեր տարուած աշխատանքներուն բնոյթը եւ իր պատրաստակամութիւնը յայտնեց գործակցելու Սփիւռքի բոլոր կառոյցներուն հետ:

Թողակից

ԲԱՐԵԽՕՍ ՏԻՐԱՄԱՅՐԸ



Խորէն Քիւյ. Պերթիզեան



Սիրտս խոցուած, հոգիս տրտմած Չարին նետէն վիրաւորուած Մեղքի լուծէն բեռնաւորուած Կեղծ աշխարհէն յաճախ յոգնած Զեզմով կ'ըլլամ միսիթարուած Աստուածածին կոյս ընտրուած:

Մտորէն խաչ վիշտեր կրած Կանայի մէջ հրաշք խնդրած Շնորհալի հանդիսացած Խօսքէն անդին՝ գործի լծուած Հաւատքով ալ միշտ վկայուած Խօսուն օրհներգ հեղինակած:

Սրբադրոշմ հետքով քալած Վաւերական կտակ սեպուած Պատուանունդ խնկարկուած Բնաւ միանակ չեմ անկասկած Դուն կաա իբրեւ մայր երանուած Անմար սիրով ջահաւորուած:


Խորաններէն ճառագայթած Սուրբ նարեկով խոստովանուած Մեծարանքի արծանացած Շարականով յիշատակուած Տօնէլի ես՝ սրբադատուած Ուխտի տապան յայտարարուած:

Գովելի մայր, քեզի կառչած Օրինակեղ ներշնչուած Օծուն կեանքեղ դասեր քաղած Կը սորվինք մենք պաշտել զԱստուած Ապրիլ խոնարհ եւ երկիւղած Զրիստոսով վայելչացած:

Աստուածածին վերափոխուած Բարեխօսող, գուր շռայլած Խնդրե Տէրէն մեծ, ողորմած Որ Իր ձեռքով փառաւորուած Սրտերը մեր սուգ, ցաւ ապրած Ըլլան ուրախ, սիրով լեցուած:

Երիտասարդական Ուպանեակ

«ՊԻՏԻ ԿԵՐՏԵՆՔ ՆՈՐ ԱՐՇԱԼՈՅՍ»



Վեհան Դաբուրյան

Շատո՞ւնց այսքան չեմ ոգեւորուած: Արիւնք երակներուս մէջ կ'եռայ: Միրտս, միտքս ու հոգիս մէկ տեղ են՝ ԶԱՅՐԵՆԻՔ: Ականջներուս մէջ մարտական կշռոյթով «Չարթնիր, Լաօ՛»-ն կը հնչէ: Կը մտածեմ արդեօ՞ք 90-ականներուն ալ այս ոգին կը տիրէր: Զայն իր դարաւոր պատմութեան ընթացքին շատ դժնդակ օրեր տեսած է, բայց այս մէկը չէ ընկճած զինք: 2020-ի պատերազմը ջախջախեց մեզ եւ դժբախտաբար ուշացաւ մեր վերականգնումը, բայց 23 Ապրիլին հնչած մարտակոչը ԶԱՅՐ ոտքի հանեց:

Մայիս ենք...: «Մայիս յաղթանակներու ամիս» սորվեցուցած էին մեզի: 9 Նոյեմբեր 2020-էն ետք մարդս կ'երկմտի տօնե՞լ Մայիս 8-9-ի Շուշիի ազատագրման տօնը, թե՞ սգալ մեր Շուշիի կորուստը: Շուշիի ազատագրումը ՊԵՏԷ ԵՍԵԼԷ: 1920-էն ետք Զայաստան կորսնցնելով անկախութիւնը միացաւ Խորհրդային Միութեան, սակայն այս մէկը արգելք չէր, որ հայը ամեն տարի մեծ շուքով նշէ Զայաստանի Անկախութեան տօնը՝ 28 Մայիսը:



Յաւով լսեցի, որ այս տարի Արցախի մէջ 9 Մայիսի հերոսամարտի յիշատակը յարգուած է մէկ վայրկեան լռութեամբ եւ սգոյ երթով: Միթէ մեր Շուշիի ազատագրող հերոսները՝ «Զարսակիք Լեռներուն մէջ» ընողները, աւելին արժանի չե՞ն: Այո՛, կը հասկնամ, դժուար է, շա՛տ դժուար սրտի թրթիռով փայփայած անկախութիւնը մէկ օրուան մէջ կորսնցնել, բայց այդ հերոսները իրենց կեանքին գնով մեզի մեր դարերով երագած անկախութիւնը պարգեւած են եւ սգոյ երթէն շատ աւելին արժանի են:

«Չարթնիր, Լաօ՛, մըռնիմ քըզի», կրկին նոյն բառերը, կրկին նոյն մարտակոչը:

Կարգ մը մարդոց կարծիքով «Չարթնիր, Լաօ՛»-ն թոյլ կարգախօս է, որովհետեւ այս խորագրով երգին բառերուն նայելով կը տեսնես, որ անոնք տխրութիւն կ'առնեն: Միթէ՞ մեր այսօրուան իրականութիւնն ալ տխուր չէ: Միթէ՞ նոյն հուժանը չէ, որ կոտորեց եւ կը շարունակէ կոտորել մեր ազգի գաւակները: Միթէ՞ մեր յոյսը կրկին «օրօրոցին» վրայ չէ:

Սովետական բարքերը փորձեցին կաշկանդել հայու ոգին: Այսօր նման մտայնութեամբ մարդիկ՝ ներկայանալով գերիներու բարեկամներ, ընդդիմութենէն պահանջելով գերիներու վերադարձը, դիմաւորած էին «Դիմադրութիւն» շարժման մասնակիցները ամենավատ հայիոյանքներով եւ հակիթներ նետելով եւ... թքնելով... որուն ի հետեւանք երիտասարդներ բախում ունեցած են 80-ամեայ ծերունիի մը հետ եւ կամովի յանձնուած ոստիկանութեան:

Ազատութեան եւ արդարութեան հասնելու ճանապարհը դժուար է՝ փշոտ եւ տատասկոտ: Ազատութեան եւ Արդարութեան համար պայքարողը կ'ամբաստանուի, կը հետապնդուի, կը բանտարկուի, բայց չ'ընկրկիր, կրկին կը պայքարի, մէկ պայքարողը կ'ըլլայ երկու, երկուքը՝ քսան, քսանը՝ երկու հարիւր, երկու հարիւրը՝ երկու հազար եւ աւելի՛:

«Դիմադրութիւն» շարժման մասնակիցները, ուշ կամ կանուխ, պիտի հասնին իրենց նպատակին: Այսօրուան իշխանութիւնը գահընկէց պիտի ըլլայ: Շուշիի կրկին պիտի դառնայ ԶԱՅՐԱԿԱԿԱՆ, ԲԱԽՏԱՄՈՐԵՆԵՆ ԵՎ ԳՈՒՆԱԳԵՂ, եթէ դիւանագիտութեամբ եւ ուժով ձեռք բերենք զայն ազատագրելու լծակները՝ մեր ազգի ՄԻԱՍՆԱԿԱՆ պայքարով: Զայաստան-Արցախ-Սփիւռք եռամիասնութիւնը ամրապնդելով բոլորս միասին «ՊԻՏԻ ԿԵՐՏԵՆՔ ՆՈՐ ԱՐՇԱԼՈՅՍ»:

ՉԱՐԹՆԻՐ, ԼԱՕ՛, ՄԵՌՆԻՄ ՔԵԶԻ



Արփի Գերգեան

2021-ին, Ազգ. Քարէն Եփփէ ճեմարանէն շրջանաւարտ դառնալու մեր աւարտական հանդէսին երգչախումբը կ'երգէր հայրենիքի կարօտը, Արցախն ու Արեւմտեան Զայաստանը: Իսկ երկու շաբաթ առաջ՝ 24 Ապրիլին առիթով, ակումբի պատին վրայ տեղադրուած որմնաթերթի բովանդակութիւնը կ'ընդգրկէր Արեւմտահայաստանի բռնազրաւուած գաւառներուն անունները: Թերթին վրայ իւրաքանչիւրիս մատնահետքով կը հաստատուէր մեր տեղացիութիւնը:

Ինչի՞ հետեւանք էր մեր պոկումը հայրենի մեր արմատներէն... 1915-ի Ցեղասպանութեան: Իսկ Ցեղասպանութիւնը ինչի՞ հետեւանք էր: Այո՛, Օս-



մանեան կայսրութեան վշակած մեր ազգի բնաջնջման ծրագրին հետեւանք էր, բայց արդեօք եթէ մենք այդ օրերուն հզօր պետականութիւն ունենայինք, պատասխանատու իշխանութիւն ունենայինք եւ որպէս ժողովուրդ հեղինակութիւն ունենայինք ու դեմ դնէինք թուրքերուն, հոս պիտի հասնէի՞նք:

Այո՛, ունեցանք ֆիտայական շարժումներ, կռիւներ, մարտեր եւ այդ մարտերէն ձեռք բերինք Զայաստանի Ա. Անկախութիւնը, բայց այդ փոքրամասնութեան մասին չէ, որ կը խօսիմ, այլ այն մեծամասնութեան, որ առանց ինքնապաշտպանութեան, առանց զէնքի, առանց դիմադրութեան գլուխը կախ ենթարկուեցաւ թուրքին:



Զօր պետականութիւն, պատասխանատու իշխանութիւն, ինչպէս նաեւ ժողովուրդի հեղինակութիւն՝ ակնթարթով մը մէջտեղ չեն գար, այլ տարիներ շարունակ ժողովուրդին բարոյահոգ երանական պատրաստութեամբ կը գոյանան:

Մեր ժողովուրդին մեծամասնութիւնը զարթօնքի հոսանքը կանկաժով դիտած էր, հարց տալով, որ փոքր ժողովուրդ մը ինչպէ՞ս դեմ պիտի դնէ հզօր կայսրութեան: Չէր գիտեր, որ եթէ ինք այդ հոսանքին հետեւէր լիովին, միևնույն վերջ, հաւանաբար այսօր մենք տիրացած ըլլայինք մեր հողերուն:

Այսօր Զայաստանի մէջ «Չարթնիր, Լաօ՛» շարժումը ծաւալած է, որպէսզի մեր հայրենակիցներն ու անոնց սերունդները ապագային աշխարհի գանազան անկիւնները չերգեն հայրենիքի կարօտը, կամ պատի թերթի մը վրայ չհաստատեն իրենց տեղացիութիւնը, այլ՝ իրենց ձեռքերուն մէջ ունենան ԶՅ-ի անցագիրը՝ միջազգայնօրէն հաստատուած, որպէսզի վաղը օտար երկիրներու մէջ թաղամասեր չկոչուին հայրենի երկրին անուններով, ու անոնց սկիզբը չաւելնայ «Նոր» արմատը:

Չարթնիր, Լաօ՛, արթնցի՛ր, որովհետեւ ինչպէս Փաշինեան Շուշիի յայտարարեց տժգոյն քաղաք ու յանձնեց զայն, հեռու չէ, որ շրջան մը վերջ երեւանն ալ ճանչնայ որպէս թրքական քաղաք եւ յանձնէ զայն թուրքերուն, արդարացնելով թէ հոն ալ հայ չէ մնացած այլեւս:

Մեր՝ Սփիւռքի երիտասարդներու առաքելութիւնն է նաեւ ականջ տալ այս շարժումին, տարածել զայն, եթէ կարելիութիւն ունենանք մաս կազմենք մեր հայրենակիցներու շարքերուն: Պահենք մեր ինքնութիւնը, ճանչնանք մեր պատմութիւնը իր ամբողջութեամբ, որովհետեւ այսօրուան պայքարը նաեւ պատմութեան խեղաթիւրման դեմ պայքար է:

Սորվի՛նք պատմութենէն, սատարենք մեր երագած պետականութեան կազմութեան եւ քալենք ամբողջական հայրենիքի տեսլականով:

Չարթնիր, Լաօ՛, մեռնիմ քըզի:

ԻՆՉ ԿՐՍԵՆ ԱՍՏՂԵՐԸ

- 

ԽՈՅ
Յաճախ ձեր բարեկամներուն աջակցությունը կ'ակնկալէք: Ձեր ուժերուն վստահեցէ՛ք, որպէսզի յուսախաբ չըլլաք, միեւնոյն ատեն գորակաք:
- 

ՑՈՒԼ
Դրական շրջան մըն է ձեզի համար: Ձեր յաջողությունը մեծ արձագանգ պիտի ձգէ ձեր շրջապատին մէջ:
- 

ԵՐԿՈՒՐԵԱԿ
Լաւատես եղէ՛ք ձեր կեանքին մէջ եւ նոր ծրագիրներ վշակեցէ՛ք ձեր գործին մէջ:
- 

ԽԵՑՁԵՏԻՆ
Ձեր աշխատանքը յաջողութեամբ պիտի պսակուի: Պիտի ստանաք պատասխաններ՝ ձեզ յուզող բազմաթիւ հարցերու: Դժգոյն ձեռք պիտի ձգէք յառաջիկայ օրերուն:
- 

ԱՈՒԻՇ
Աշխատանքային յաջողություն մը պիտի ունենաք՝ հակառակ բազմաթիւ դժուարություններուն: Ձեր ընտանեկան հարցերը վերջնականապէս պիտի լուծուին, անհոգ մնացէ՛ք:
- 

ԿՈՅՍ
Մենակեաց մի՛ ըլլաք, ընկերային եղէ՛ք ու յաճախակի շփումներ ունեցէ՛ք ձեր միջավայրին հետ:
- 

ԿԵՒՈՔ
Վիճաբանություններէ խուսափելու համար գրոյցներէ հեռու մի՛ պահէք դուք ձեզ: Դժուար կացություններէ դուրս կրնաք գալ գրուցելով այլոց հետ:
- 

ԿԱՐԻՃ
Ձեր աշխատանքները կը ծրագրէք ու անոնց շնորհիւ ալ հետեւողական շահներով կը յառաջանաք: Ընկերային հաճելի մթնոլորտի մէջ ժամանակ պիտի անցընէք:
- 

ԱՂԵՂԱՍՈՐ
Բախտաբեր շաբաթ մը ձեզի կը սպասէ, ձեռնարկեցէ՛ք նոր աշխատանքի: Դժգոյն անակնկալ մը պիտի ունենան: Նիւթական շահ մը պիտի յաջողիք ապահովել:
- 

ԱՅՏԵՂՋԻՐ
Ձեր աշխատանքին մէջ փոփոխություններ տեղի պիտի ունենան: Ինքնավստահ եղէ՛ք ու ձեր սկզբունքներուն վրայ հաստատ մնացէ՛ք:
- 

ՋՐՅՈՍ
Հանդիպում մը պիտի ունենաք ձեր սիրելիին հետ ու պիտի ճշդէք ճակատագրական հարցեր: Նախանձոտ մտերիմներէ պիտի նեղանաք:
- 

ՁՈՒԿ
Պիտի հանդիպիք երկար ատենէ ի վեր բացակայած բարեկամի մը հետ: Ձեր տրամադրությունը պիտի բարելաւուի: Ճամբորդություն մը պիտի կատարէք եւ պիտի ծանօթանաք նոր անձնաւորություններու:



ՈԼՈՒՆԻ ՕԳՏԱԿԱՐ ՅԱՏԿՈՒԹԻՒՆՆԵՐԸ

1. Ոլոռնի կանոնաւոր օգտագործումը կը հարստացնէ օրկանիզ մը սպիտակուցներով (փրոթին) եւ այս ձեւով ան գրեթէ ամբողջութեամբ կը փոխարինէ միսը:
2. Ոլոռնը բնական հակաօքսիտանթ է, որ կը խոչընդոտէ մարմնի կազմուածքին մէջ թոյներու եւ ազատ արձակուող ճառագայթներու կուտակումը եւ կը կանխէ շարք մը հիւանդություններու զարգացումը:
3. Ոլոռնը կը պարունակէ A, E եւ B կենսա-նիւթեր, ինչպէս նաեւ ֆոսֆոր, երկաթ, ետոս, մակ-նիզիում եւ նատրիում:
4. Ան կը կարգաւորէ մարսողական համակարգը եւ կը բուժէ ստամոքսային այրուածքները:
5. Ոլոռնը կը թելադրուի օգտագործել գիր-նալու յատուկ սննդակարգի համար:
6. Ան կը նպաստէ սրտանօթային համակարգի աշխատանքին: Ոլոռնի հայրենիքը հին Եգիպտոսն է, ուր առաջին անգամ նկատուած է այս մթերքին կարեւորությունն ու սննդարարությունը: Ոլոռնը կ'օգտագործուի պահածոյի ձեւով եւ թարմ ու սառեցուած վիճակով: Պահածոյ ոլոռնը պէտք է ունենայ առողջ գոյն եւ չոր չըլլայ: Պահածոյ ոլոռնին թարմ համ տալու համար եփի ընթացքին սուրճի դգալ մը շաքար կրնաք անելցնել: Ոլոռնը առաւելաբար կ'օգտագործուի ապուրներ, կարկանդակներ ու աղցաններ պատրաստելու համար:



ՕԳՏԱԿԱՐ ԽՈՐՀՈՒՐԴՆԵՐ



Եղանակային փոփոխություններու ատեն, երբ ընդհանուր մաքրութեան կը ձեռնարկեցէք, հակամետ ենք շատ մը ոչ պիտանի իրերէ ձեր բազատելու կամ գանոնք թափելու: Կարելի է անոնցմէ օգտուիլ, ինչպէս կը տեսնէք վերո ներկայացուած պատկերներուն մէջ: Հինգրոտնակ մը մետաղէպղոնատած ձագար մը, ինչպէս նաեւ մնացած կափարիչ մը, անօգտագործելի գիւնի բաժակ մը, եւ տակաւին ինչէ՛ր կարելի է գտնել խոհանոցին պահարաններուն մէջ: Տեսէ՛ք, թէ վառ երեւակայութեամբ մարդիկ ի՞նչ լուսաւոր գաղափարներ ունեցած են՝ վերոյիշեալ խոհանոցային ոչ պիտանի իրերը վերածելով փոքրիկ գեղօրներու:

Խոհագիր

ՈԼՈՒՆՈՎ ԱՂՅԱՆ

- Բաղադրութիւն**
- 3 գաւաթ խաշուած ոլոռն
 - 4 կարմիր խորոված, կեղուրուած եւ կտրտուած պղպեղ
 - 1 օղակածեւ մակրուած սոխ
 - 1 գաւաթ խաշուած եգիպտացորեն
 - Կես կապ ազատքեղ
 - Կես կիտրոնի հիւթ
 - 2 ապուրի դգալ ձիթաիւղ
 - Աղ եւ կարմիր պղպեղ:
- Պատրաստութիւն**
- Խառնել բոլոր բաղադրիչները եւ համեմել աղով, կիտրոնի հիւթով եւ կարմիր փոշի պղպեղով: Անելցնել ձիթաիւղն ու խառնել:
- Բարի ախորժակ*





Ռաֆֆի Սիկահեան

ՀԱՅԿԱԿԱՆ

ԾԱՆՐՈՐԴ ԳԱՐԻԿ ԿԱՐԱՊԵՏԵԱՆ ԴԱՐՁԱՐ ԵՐԻՏԱՍԱՐԴՆԵՐՈՒ ԱՇԽԱՐՀԻ ԱՆՈՅԵԱՆ

Յունաստանի մեջ ընթացող առաջնության 96 քվ. ծանրության պայ-



քարին Գարիկ Կարապետեանը ծանրամարտի 370 քվ. արդիւնքով (170 + 200) երկրորդ տարին անընդմեջ հռչակուեցաւ երիտասարդներու աշխարհի ախոյեան:

Այս Հայաստանի հաւաքականին երկրորդ ոսկեայ մետալն էր ծանրամարտի աշխարհի երիտասարդական առաջնութեան մրցումներուն:

ՆՈՐԱՎԱՆԵՐ ԿՐ ԴԱՌԱՅ ՀԱՅԱՍՏԱՆԻ ԲԱԺԱԿԱԿԻՐ

8 Մայիսին, Երեւանի Վազգէն Սարգսեանի անուան հանրապետական մարզադաշտին վրայ տեղի ունեցաւ Հայաստանի ֆուտբոլի բաժակի մրցաշարքի աւարտական փուլի մրցումը, որուն ընթացքին իրարու դէմ մրցեցան Ուրարտու եւ Նորավանք խումբերը:



Արձանագրելով 2-0 արդիւնքով յաղթանակ մը եւ իր կողմերը Նշանակելով 28-րդ եւ 77-րդ վայրկեաններուն, Նորավանք ֆուտբոլի իր պատմութեան մեջ առաջին անգամ ըլլալով հանդիսացաւ տիտղոսակիր:

Նախքան աւարտական փուլի իր տոմսը ապահովելը, 2020-ին հիմնուած Նորավանք յաջողած էր յաղթել Շիրակ Գիւմրիին, Արարատ-Արմէն-Կային եւ Արարատին:

ՀՖՖ-Ն ԱՐՑԱՆԻ ԲՈՒՈՐ ԴՊՐՈՑՆԵՐՈՒՆ ԵՒ ՄԱՐԶԱԴՊՐՈՑՆԵՐՈՒՆ ԳՆԴԱԿՆԵՐ ՆՈՒՐԱԾ Է

Հայաստանի ֆուտբոլի Դաշնութիւնը, Արցախի Հանրապետութեան կրթութեան, Գիտութեան եւ Մարզանքի Նախարարութեան հետ գործակցաբար, Արցախի բոլոր 117 դպրոցներուն եւ մարզադպրոցներուն նուիրած է շուրջ 850 գնդակ:



Դաշնութեան ներկայացուցիչները այցելած են Արցախ, ուր հանդիպումներ ունեցած են Արցախի կրթութեան, գիտութեան եւ մարզանքի նախարար Անահիտ Յակոբեանի հետ, այցելած են Ստեփանա-

կերտի՝ Ստեփան Շահումեանի անուան մարզադաշտ, հանդիպած հանրակրթական դպրոցներու ներկայացուցիչներուն եւ նուիրած են գնդակներ:

Միջազգային

ՆԱՆՔ ՖՐԱՆՍԱՅԻ ԲԱԺԱԿԱԿԻՐ

Շաբաթ, 7 Մայիսին, Ֆրանսայի մայրաքաղաք Փարիզի մեջ գտնուող «Սթատ տը Ֆրանս» մարզադաշտին վրայ տեղի ունեցաւ Ֆրանսայի ֆուտբոլի բաժակի մրցաշարքի աւարտականի ճակատումը, որուն ընթացքին իրարու դէմ ճակատեցան Նանթ եւ Նիս:

Մրցումը աւարտեցաւ Նանթի յաղթանակով, որ արձանագրեց 1-0 արդիւնքով յաղթանակ մը, շնորհիւ Լուտովիչ Պլասի Նշանակած կոլին (47-րդ վայրկեանին, փենսլթիով):



Նանթ այսպիսով չորրորդ անգամ ըլլալով հանդիսացաւ տիտղոսակիր:

ԽԱԶՐԱՌ (ՄԻ 389)

Պատրաստեց՝ Մարինա ԶիլԱբոջեան-Պօղիկեան

	1	2	3	4	5	6	7	8	9	10	11	12
1												
2												
3												
4												
5												
6												
7												
8												
9												
10												
11												
12												

Հորիզոնական

1. Ազգային-ազատագրական պայքարի դաշնակցական հայրուկապետ, որուն քիւրտ հրոսակները փոթորիկ կոչեցին:
2. Յուցական դերանուն: Եռանդ: Հակառակ՝ հրաշք:
3. Հակառակ՝ իգական անուն: Հակառակ՝ տառի մը անունը:
4. Համր: Աշակերտ: 55:
5. Հանք: Անձնական դերանուն:
6. Պատմական Հայաստանի քաղաքներէն: Վայրենի, մոլեգին:
7. Հակառակ՝ արական կրճատուած անուն: Արցախի առաջին դպրոցին վայրը:
8. Եկեղեցական հոգեւոր երգ: Լեռներու միջեւ նեղ անցք:
9. Անձնական դերանուն: Հակառակ՝ 4020:
10. Կծկոլիլ: Ոչ հասուն:
11. Տարածքի միաւոր: Հակառակ՝ աղբիւր: Հակառակ՝ կենսունակութեան թափ:
12. Ծահան Շահնուրի երկերէն. «.....ը Առանց Երգի»: Ազնուատոհմ ձիաւոր:

Ուղղահայեաց:

1. Մութ, աղօտ: Բերիոյ Հայոց Թեմի կրօնական լրատու:
2. Երկինչին: Յարաբերական դերանուն: 7001: Արական անուն:
3. Շաղկապ: Յորդահոս:
4. Քէն: Հակառակ՝ ցուցական դերանուն: Յարմար:
5. Լեռան կող: Հակառակ՝ գոյութիւն ունին: Սիամանթոյի ծննդավայրը:
6. Հակառակ՝ 404: Սաստիկ փափաք:
7. Արկածալից ուղեւորութիւն:
8. Իգական անուն: Հակառակ՝ առանց աղի:
9. Կենան, սպասեն: Երածշտութեան մեջ՝ ժամանակի միաւոր: Բաղաձայն տառեր:
10. Կրկնուած ձայնաւորներ: Լիբանանէն բխող եւ Սուրիայէն անցնող գետ: Ամօթ, պատկառանք:
11. Նուշով անուշեղէն: Հակառակ՝ առաջին կինը:
12. Պտղատու ծառի տեսակ մը: Պատերազմի առաջին գիծերը:

ԽԱԶՐԱՌ (ՄԻ 388)

	1	2	3	4	5	6	7	8	9	10	11	12
1												
2												
3												
4												
5												
6												
7												
8												
9												
10												
11												
12												

ԼՈՒԾՈՒՄ

Երևոթեբօր 16/5 16° 28°	Երեքեբօր 17/5 16° 29°	Չորեքեբօր 18/5 16° 30°	Հինգեբօր 19/5 15° 29°	Ուրբաթ 20/5 14° 28°	Շաբաթ 21/5 14° 28°	Կիրակի 22/5 15° 29°
--	---	--	---	---	--	---



Համագային...

Սկիզբ՝ էջ 1

Ելոյթին բացումը կատարուեցաւ Սուրիական Հանրապետութեան եւ ՀՀ զոյգ քայլերգներով:

Արաբերէն բացման խօսքով Նարոտ Պարսումեան անդրադարձաւ պարի կարեւորութեան, յայտնելով որ պարը դարձրու ընթացքին եղած է արտայայտութեան միջոց մը, այլեւ՝ արուեստ մը:

Հայերէն բացման խօսքով Մարալ Ղազարեան մատնանշեց Սփիւռքի դերը՝ Համազգայինի նման մշակութային միութիւններու ճամբով հայ մշակոյթը, հայկական պարարուեստը հայ սերունդներուն սեփականութիւնը դարձնելու եւ անոնց մերձեցումը անքակտելի պահելու, աւելցնելով, որ ի հեճուկա Սուրիոյ մէջ տիրող տնտեսական ծանր պայմաններուն, Համազգայինը կրցաւ զոյգ պարախումբերը բեմ հանել եւ հանդիսատեսը փոխադրել հայկական լեռնաշխարհի, միեւնոյն ատեն զինք ծանօթացնել օտար մշակոյթներու:

Օրուան բեմավար Սարին Խալոյեան իւրաքանչիւր պարի մասին տեղեկութիւն կը փոխանցէր, իր խօսքերը համեմելով բանաստեղծներու եւ արուեստագետներու վկայութիւններով:

Ելոյթը բաժնուած էր երկու մասի: Առաջին բաժինը կեդրոնացած էր օտար պարերու վրայ, ինչպէս՝ «rock and roll», «hip hop», ռուսական եւ արաբական պարեր: Պարողները իրենց դէմքի արտայայտութիւններով եւ ճկունութեամբ յաջողեցան պարարուեստի հմայքով պարուրել ներկաներուն հոգիներն ու սրտերը:

Երկրորդ բաժինը հայրենասիրական պարեր կ'ընդգրկէր, բոլորը նուիրուած՝ Հայաստանի ու Արցախի: «Հերոս Տղերք», «Արցախ-Հայաստան» պարերը նուիրուած էին մեր անմահ հերոսներուն եւ Արցախեան 44-օրեայ պատերազմին, ունէինք նաեւ յաղթական պարեր՝ «Պատերազմ էք Գնում» եւ «Ախ Ֆիտայիք»:

Մեր հեզ աճկուն աղջիկներն ու կայտառ տղաքը ներդաշնակ կը պարէին, իսկ երաժշտութեան հետ ներդաշնակ անոնց շարժումները արուեստի մարմնացումն էին բեմին վրայ:

Աւարտական պարէն ետք, համազգայինի «Ն. Արքայեան» Մանճ.-ի Վարչութեան ատենապետ Գեորգ Աղայապեան, պարգեւատրեց զոյգ պարախումբերու գեղարուեստական ղեկավար Վրէժ Թերզեանը:

Աւարտին, Բերիոյ Հայոց Թեմի Առաջնորդ Մասիս Ս. Եպս. Չօպուեան եզրափակիչ իր պատգամով ուրախութիւնը յայտնեց ելոյթին ի տես, քաջալերեց ծնողները, որոնք կը վստահին համազգայինին ու իրենց գաւակներուն առիթ կու տան ծանօթանալու եւ սորվելու հայկական արուեստը, այս պարագային պարարուեստը: Ապա դիտել տուաւ, որ նման ելոյթները կարելի են ժողովուրդին դրական ուժ ներշնչելու համար:

Տեր Մասիս շնորհակալութիւն յայտնեց պարողներուն, պարարուեստի յանձնախումբին, վարչութեան եւ բոլոր անոնց, որոնք դեր ունեցան այս ելոյթի յաջողութեան մէջ, կարելի համարելով հաւաքական աշխատանքը:

Ձեռնարկը աւարտին հասաւ Սրբազան Հօր «Պահպանիչ» աղօթքով:

